

續高僧傳卷第二十二

唐釋道宣撰

達

明律上 正傳十五 附見十二

梁揚都天竺寺釋法超傳一

梁鍾山雲居寺釋道禪傳二

齊鄴下大覺寺釋惠光傳三

道雲

道

齊鄴東大衍寺釋曇隱傳四

洪理

陳揚都光宅寺釋曇瑗傳五

道樂

陳楊都奉誠寺大律都釋智文傳六

隋并州大興國寺釋法願傳七

道龕

隋京師大興善寺釋靈藏傳八

道行

隋西京延興寺釋通幽傳九

陝蔣州奉誠寺釋道成傳十

隋西京大興善寺釋洪遵傳十一

洪淵

法勝

隋西京大禪定道場釋覺朗傳十二

晦藏

唐始州香林寺釋惠主傳十三

唐京師勝光寺釋智保傳十四

唐益州龍居寺釋惠詵傳十五

釋法超姓孟氏晉陵無錫人也十一出家住靈根寺幼而聰穎篤學無倦從同寺僧護修習經論而雅有深思幽求討擊學論歸鄉貧者數過二百自稱公歿後獨步京邑中歲廢業頗失鴻緒後復綴講衆重殷矣帝謂律教乃是像運攸憑學惠階漸治身滅罪之要三聖由之而歸必不得闕如閉目夜行常懼踏諸坑塹欲使僧尼於五篇七聚導意弭心以超律學之秀勑爲都邑僧正庶其弘扇有徒儀表斯立武帝又以律部繁廣臨事難究聽覽餘隙遍尋戒檢附世結文撰爲一十四卷號曰出要律儀以少許之詞網羅衆部通下梁境並依詳用普通六年遍集知事及於名解於平等殿勅超講律帝親臨座聽受成規以衆通道俗恐陷於愆目但略舉綱要宣示宏旨三旬將滿文言便竟所以導揚秘部弘

悟當機遂得四衆移心朝宰胥悅至七年冬

卒於天竺住寺春秋七十有一天子下勅疏

慰并令有司墓鍾山開善寺墓

釋道禪交阤人早出世網立性方嚴修身守戒冰霜例德鄉族道俗咸貴其克己而重其

馬行仙洲山寺舊多虎害禪往居之此災遂

達七

二

遠聞齊竟陵王大開禪律盛張講肆千里引駕同造金陵皆是四海標領人雄道傑禪傳芳藉甚通夜不寐思參勝集遷奉真筌乃以求明之初遊歷京室住鍾山雲居下寺聽機

衆部偏以十誦知名經略道化僧尼信奉故有稜威振發以見聲名恬愉誘悟議干風彩動物情時談逸口至于夏末度而出家所習經誥便爲人說辭旣清靡理亦高華時人号之聖沙彌也因獲利養受而還施師爲掌之尋用復盡佛陀曰此誠大士之行也便縱而不禁諮詢誠敬而異焉然其雅量弘方不拘小節讚毀得失聲色不渝衆益器之而美其

達七

三

都邑受其戒範者數越千人常聽之徒衆不盈百兼樂滅覺觀亟留幽谷動踰宵景方尋顧步加復蔬食弊衣花無布口有濟芳美者便隨給貧病知足之富豈得過焉未居于寺舍屏迹山林不交榮卅安苦立行人以爲憂而禪不改其樂也以大通元年卒于山寺春秋七十矣

釋惠光姓楊氏定州長蘆人也年十三隨父入洛四月八日往佛陀禪師所從受三歸陀羅尼眼外射如燄深惟必有奇操也苦邀留之且令誦經光執卷覽文曾若昔習旁樂傳義窮諸幽理兼以劇談誦詭態出新奇變

秋七十矣

釋惠光姓楊氏定州長蘆人也年十三隨父入洛四月八日往佛陀禪師所從受三歸陀羅尼眼外射如燄深惟必有奇操也苦邀留之且令誦經光執卷覽文曾若昔習旁樂傳義窮諸幽理兼以劇談誦詭態出新奇變

行略周當聞言不通華登戒便阻乃往本鄉進受具足博聽律部隨聞奉行四夏將登講僧祇律初以唱高和寡詞理精玄漸染津流未遂聽徒雲合光知學功之所致也義須廣周羣部乃從辯公參學經論聽說之美聲鶴趙郡後入洛京搜揚新異南北音字通貫幽微患爲心計之勞事須文記乃方事紙筆綴述所聞兼以意量參互銷釋陀以他日密覩文言乃呼而告曰吾之度子望傳果向於心耳何乃區區方事世語乎今觀神器已成可爲高明法師矣道務非子分也如何自累因而流涕會佛陀住少林寺主勒那初譯十地

之及朝臣司馬令孤子儒等齊代名賢重之如聖常遇亢旱衆以聞光乃就嵩岳池邊燒香請雨尋即流霖原隰民皆利之又爾朱氏舉兵北伐徵稅僧尼用充軍實先立嚴刑敢諫者斬時光任僧官顧五衆屯塞以命直往語壯隆曰若當行此稅國事不在言既克明事亦遂免其感致幽顯爲若此也初在京洛任國僧都後召入鄴綏緝有功轉爲國統將終前日乘車向曹行出寺門屋脊自裂旣坐判事塊落筆前尋視無從知乃終相因斯乘愈四旬有餘奄化於鄴城大覺寺春秋七十矣光常願生佛境而不定方隅及氣將欲絕連七

四

大見天官來下遂乃投誠安養溘從斯卒自方言通其兩諳取捨由悟綱領存焉自此地論流傳命章開釋四分一部草創基茲其華嚴涅槃維摩十地地持等並疏其奧旨而弘演導然文存風骨頗略章句故千載仰其清規衆師奉爲宗轄矣司徒高徵曹僕射高隆

其次矣凡所撰勝鬘遺教溫室仁王波若等皆有注釋又再造四分律疏百二十紙後代引之以爲義節并羯磨戒本咸加刪定被於法侶今咸誦之又著玄宗論大乘義律章仁王七誡及僧制十八條並文旨清肅見重時世學士道雲早依師稟奉光遺令專弘律部造疏九卷爲衆所先成匠極多流行彌遠加以威容嚴肅動止有儀談吐慈和言行相檢又光門人道暉者連衡雲席情智傲岸不守方隅略雲所製以爲七卷聞以意會健度推焉故謹云雲公頭暉公尾洪理中間著所以是也並存二失緒嘉績莫尋可爲悲哉時光諸學士翹穎如林衆所推仰者十人授選行解入室唯九有儒生馮袞光乃將入數中袞本冀人通解經史被貢入臺用擬觀國私自惟曰玄素兩教頗曾懷抱至於釋宗生未信重試往候光欲論名理正值上講因而就聽矚其威容聆其清辯文句所指遺滯爲先即

達七

五

坐盡虔傷聞其晚頓足聳頸畢命歸依然其攻擊病源深明要害我爲有本偏所長驅每有名勝道俗來資法藥交隨病立治信者銜泣故其言曰諸行者不得信此無明昏心覓長覓短聽經學問嚴飾我心須識詐賊覓他過惡不求其長則吾我漸歇特須分疎勿迷自他我過常起熾然法界他道少過便即瞋他常須看心自己多過若思量者雖在世間無有滋味終無歡心以味喪我何由有樂此心將我上至非想還下地獄常誘誑我如怨家如愛奴豈可學問長養貳心巧作細作使覓名利造疽妬也故經云常爲心師不師於心八歲能誦百歲不行不救急也時有私寫其言者世号捧心論焉亦有懷本於曾逢境終忘者無勤勵故耳袞在光門低頭斂氣常供廚隸日營飯粥奉僧既了盪滌凝漱溫羹自資微有香美便留後供夜宿竈前取蒿一束半以藉背半以坐之明相纔動粥便已熟

無間陰晴此事常余午後擔食送彼獄囚往還所經識者開路或至稠人廣衆率先供給若水若火若掃若帚隨其要務莫不預焉口隨說法初不妄倦遂卒光門

釋曇隱姓史河內人也少厭塵俗早遊佛寺崇奉誠約誦習羣經凡三十万言日夜通達

以爲常業及年滿受具歸宗道覆而聽律部精勵弥久穿鑿逾深後從光公更採精要陶染變通遂爲光部之大弟子也乃超步京鄴比悟燕趙定州刺史侯景敬若神仙爲之造寺延住供給未還漳濱闡揚斯教僕射高降征鄙倍弦韋所誥驗于耳目由是名重京邑之加禮榮異行臺俟景又於鄴東爲造大衍寺重引處之弘播戒宗五衆師仰隨問判決文義雅正時有持律沙門道樂者行解相兼律宗明略唯有隱樂其爲世重如此而隱性樂獨遊不畜子弟財無尺貯祖昔終身衣鉢恒隨試均鳥翼顧旋身轉取譬象迴通律持

達七

六

律時唯一人而已年六十有三終於鄴城大覺寺著鈔四卷門人成器者十餘皆宗其軌轍時有律師洪理者精氣獨架詞彩嚴正預在論擊罕不獲輪著鈔兩卷時共同秘後爲沙門智首開啟詞義雅張綱目合成四卷所在咸誦云

釋曇瑗未詳氏族金陵人也才術縱橫子史周綜自幼及長以聽涉馳名數論時宗並經陶述而威嚴羣小不妄登臨矜持有功頗以文華自處時或規諫之者瑗因擺撥前習專征鄙倍弦韋所誥驗于耳目由是名重京邑同例欽焉以戒律處世住持爲要乃從諸講席專師十誦功績旣著學觀斯張自少恒當元宰鎮講相續有陳之世無與爲隣使夫五衆揖其風猷七貴從其津濟瑗有之矣常徒講衆二百餘人宣帝下詔國內初受戒者夏未滿五皆叅律肆可於都邑大寺廣置聽場仍勑瑗公總知監檢明示科舉有司准給衣

食勿使經營形累致虧功績瑗旣蒙恩詔通誨國僧四遠被徵萬里相屬時即搜擢明解詞義者二十餘人一時敷訓衆齊三百于斯時也京邑並闢行誦相誼國供豐華學人無弊不踰數載道器大增其有學成將還本邑瑗旣聚徒對問理事無疑者方乃遣之由是

達七

七

律學更新上聞天聽帝又下勅榮慰以瑗爲國之僧正令住光宅苦弊以任勅特許之而栖託不競閉房自檢非夫衆集不忘經行慶弔齊會了無通預山泉林竹見便忘返每上鍾阜諸寺修造道賢觸興賦詩覽物懷古洪偃法師傲岸泉石偏見朋從把臂郊垌同遊故苑璵題樹爲詩曰丹陽松葉少白水黍苗多浸溼下客淚哀怨動民歌春蹊度短葛秋浦沒長莎蘂瘦自騰倚車騎絕經過畫條肆野望惆悵將如何偃續題曰龍田留故苑汾水結餘波悵望傷遊目辛酸思緒多涼颸慘高樹濃露變輕蘿澤葵猶帶井池竹下侵荷

秋風徒自急無復白雲歌瑗以太建年中卒于住寺春秋八十有二初徵疫將現便告衆曰生死對法凡聖俱纏自非極位有心誰免今將就後世力不相由願生來講誦分有冥功彼我齊修用爲來習不爾與世沉浮未成通濟幸諸梵行同思此言終事任量可依成教言訖端坐如定歎然已逝道俗悲涼歎其神志明正不偶緣業有勅依法焚之爲立白塔建碑于寺著十誦疏十卷戒本羯磨疏各兩卷僧家書儀四卷別集八卷見行於世釋智文姓陶丹陽人母齊中書院輔女也懷文之始夢覩梵僧把松枝而授曰尔後誕男與爲麈尾及丈生也卓異恒倫志學之年依寶田智成以爲師傅旣受具後專構玄津以戒足分爲五乘律檢開成七衆豈止通衢生死亦乃組轡道場義須先精方符佛意值奉誠僧辯威德冠衆解行高物外傳業之威獨步江表推其領袖則大明景公文初依辯學

後歸永下十誦諸部因弗通練以梁大同七年靈味瓦官諸寺啓勑請文於光業寺首開律藏陳郡殷鉤爲之檀越故使相趨常聽二百許人屬梁末禍難乃避地于閩下復光嶺表時僧宗法惟知名後進皆執卷請益又與真諦同止晉安故得講譯都會交映法門邊

達七

八

俗信心於斯風革酒家毀其笮器漁者焚其罟網僧尼什物於是備焉有陳馭寓江海清晏講授門徒彌繁季代宣帝命旅剋有淮淝一戰不功千金日喪轉輸運力遂倩衆僧文深護正法不懼嚴誅乃格詞曰聖上誠異宇文廢滅三寶君子爲國必在禮義豈宜以勝上福田爲胥下之役非止延敵輕漢亦恐致罪尤深有勅許焉事即停寢介後凡所詳奏莫非允愜理衆擯罰咸符時要尚書令濟陽江揔踵道造房無爽旬月是知學而有祿德必有隣法位宜昇衆望悅矣大隋革運別降綸言旣屏僧司憲章律府大軍之後荆棘依

生十濫六羣滋彰江表文人案法澄剪尋得無聲深可謂少壯免白髮之妖梯秀絕青田之巖矣前後州將甫及下車皆尊仰年德罕不修敬柱國武山公郭衍祇敬倍常躬攜妻子到寺檀捨盛設法齋請敷律題抑揚剖析有克拔之姿聽侶千餘周不嗟伏以開皇十九年二月二十日遷神于寺房春秋九十有一即空寺之南山東麓與辯律師墓相望自文之據道也器宇剛物風範肅人戒品圓淨處斷明明白然剖析章句詞省義富衆家修撰罕有出其右者又金陵軍火遺燼莫留乃誓志葺治惟新舊址講十誦八十五遍大小乘

達七

九

戒心羯磨等二十餘遍金光遺教等各有差焉著律義疏十二卷羯磨疏四卷菩薩戒疏兩卷門人傳貴以爲口實僧尼從受戒者三千餘人學士分講者則寶定惠峙惠巘智昇惠覺等惟道志法成雙美竹箭擁徒建業文昔夢泛舟海釣獲二大魚心甚異之及於東

安寺講塵尾纏振兩峯俱落深怪其事以詢建初瓊上人乃曰斯吉之先見必有二龍傳公講者其言果矣志名解最優太尉晉王家僧禮異以仁壽之歲志爲樹碑寺內慧日道場釋法論爲文

釋法願姓任西河人也性警達頗自高尚而拔致窮玄不偶儕侶東觀道化遂達鄴都形廁白衣言揚緇服齊昭玄大統法上嘉其神慧與語終朝深通志便因攝而剃落日賜幽奧擴厲時倫乃恣其遊博願勇思風馳周行講席求法無怠問道新奇後乃仰蹤波離專經律部網羅佛法舟逕僧猷自東夏所傳四

處事途多從文相商度結正僉議攸歸迺下勅召爲大莊嚴石窟二寺上座皇隋受命又勅任并州大興國寺主頻登綱管善御大衆化移前政實濟濟焉以開皇七年六月二十二日終於所住春秋六十有四葬于并城之西建塔崇範所製律疏唯四分一本十卷是非鈔兩卷見存餘並零失有弟子道行者器局淹和親傳師授善機悟明控引談述疏旨不墜厥宗每至講散身導學徒遠於願塔致敬而返及春秋至節此例恒修今年八十有餘猶鋪疏旨摘示諸側隱時又有沙門道龕資學於願執教赴行學望最優成進初心弘

持晚秀爲時人歎美而素尚兢肅遵若文宗徒雲舉法正一部各競前驅雲公創敘綱模暉上刪其纖芥法願霜情啓旦孤映羣篇挫拉言前流滅後所以履歷談對衆皆杜詞重張乃出郭結界更說新本斯亦貞梗之嚴令也太爲剋削未是倫通至今此部猶多滯

也時以其滯悖空敵号之爲律虎焉至於斷結云

釋靈藏俗姓王氏雍州新豐人也年未登學志慕清遠依隨和上穎律師而出家焉藏承度論講解無遺妙尚沖虛兼崇綱務時屬周初佛法全盛國家年別大度僧尼以藏識解淹明鉉品行業若講若誦卷部衆多隨有文

義莫不周鏡時共測量通經了意最爲第一藏之本師素鍾華望爲太祖隋公所重道義斯洽得喪相符藏與高祖布衣知友情款綱紳及龍飛茲始彌結深衷禮讓崇敷光價朝宰移都南阜任選形勝而置國寺藏以朝寄惟重佛法攸憑乃擇京都中會路均近遠於遵善坊天衢之左而置寺焉今之大興善是也自斯已後中使重沓禮遇轉隆厚味嘉肴密譽封送王人繼至接軫相趨又勅左右僕射兩日一參坐以鎮之與語而退時教綱初張名德雲構皆陳聲望莫與爭雄宮闈嚴衛來往艱阻帝卒須見頻闕朝謁乃勑諸門不

達七

十一

頃安籍任藏往返及處內禁與帝等倫坐必同榻行必同輿經綸國務雅會天覽有時住宿即邇寢殿賜之費蓋無競矣開皇四年開輔元旱帝引民衆就給洛州勅藏同行共通聖化既達所在歸投極多帝聞之告曰弟子是俗人天子律師爲道人天子有樂離俗者任師度之遂依而度前後數万晚以事聞帝大悅曰律師度人爲善弟子禁人爲惡言雖有異意則不殊至於隋運譯經勝緣費集身先衆範言會時望未知寺任綱正有聲開皇六年卒於所住春秋六十有八葬于南郊釋道成字明範俗姓陶氏丹陽人也祖誕齊招遠將軍永嘉太守父僉梁貞威將軍上虞令成少而入道住永嘉崇玄寺事式法師爲弟子儀兒瓊美奇姿拔衆羣伍目曰神童具戒之後學超儕輩大同之初栖遊京輦受業奉誠寺大律都沙門智文十誦纔經兩遍年逾未立別肆開筵數論毗曇染神便悟無繁

工倍聞一知十是以京邑耆老咸稱後生可畏講十誦律菩薩戒大品法華諸經律等一百四十遍又講觀音一百二遍著律大本羯磨諸經疏三十六卷至於意樹心花增暉且曜折理質疑聽者忘倦學士惠藏法祥等並遊方講說法輪常轉傳茲後談利益弘多咸蔬素潔己珠戒居心神解嚴明深禪在念兼六時虔懾三餘暇日漁獵文史欲令知無不爲也然其性用安詳威儀合度天人模楷罕有其儔軟語愛言不常忤物後現疾旬餘猶牽講說以開皇十九年五月五日遷神於興嚴寺春秋六十有八大漸之際唯稱念佛支節軟暖合掌分明即以其月八日空於奉誠寺之南山墓誌高座寺僧惠崇所作

釋通幽姓趙氏河東蒲坂人幼齡遺世早慕玄風弱冠加年遂落僧伍而貞心苦節寒暑不虧尋師訪道夷險無變遇周齊陵亂遠涉江皋業架金陵素氣攸遠及大隋開運還歸

渭陰味法泰其生平操行分其容止至於弘宣示教則以毗尼唱首調御心神仍用三昧遊適故戒定兩藏揔萃曾襟學門垂敞遠近斯赴晚貫籍延興時當草創土木瓦石工匠同舉而事歸天造形命未渝隨所運爲無非揜喪幽戒約內結仁洽外弘立四大井各施灑具凡有施用躬自詳觀馳赴百工曉夜無厭皆將送亟勿得存性命故延興一寺獨免形殘自餘締構焉難復叙而潔已自勵罕附斯倫每欲開經必盥手及腕齊肘已後猶從常淨舉經對目臂不下垂房宇覆處未常澡漱涕唾返咽不棄寺中便利洗淨乃終其報

又自生常不用巾幞手濕則任其自乾三衣則重被其體自外道具僅支時要每自嗟曰生不功一片之善死不酬一毫之累虛負靈神何斯悞也遂識弟子曰吾變常之後幸以殘身遭諸禽獸儻蒙少福冀滅餘殃忽以大

秋五十有七弟子等從其先志林葬於終南之山至相前峯火燎餘骸立塔存矣

釋洪遵姓時氏相州人也八歲出家從師請業屢高聲駕及受具後專學律部心生重敬內自惟曰出家基址其在戒乎住持萬載被于遺教諒非虛矣更辭師友遊方聽習履涉

達七

十三

相京諮詢深義有所未喻汝問罕通三夏將滿遂知大旨初住嵩高少林寺依資雲公開會律要并及華嚴大論前後叅聽並扣其關戶渙然大明承鄴下暉公盛弘四分因往從焉聽徒五百多以巧媚自通覆講豎論了無命及暉宴律學名匠而智或先置遵固解冠時倫全不以曲私在慮後因盛集異學充堂遵乃束暉製疏捧入堂中曰伏膺有日都未見知是則師資兩亡敢以文疏仰及便置之座上往覆雲所既屬捨見來降即命登座覆述吐納纖隱衆仰如山自後專預正時結徒畢業以戒律旁義有會他部者乃重聽大論

毗曇開沃津奧又以心使未靜就諸禪林學調順法年踰十臘方歸律宗四遠望風堂盈千計時爲榮大也齊主旣敞教門言承付囑五衆有墜憲綱者皆據內律治之以遵學聲早舉策授爲斷事沙門時青齊諸衆連諍經父乃徹天聽無由息訟下勑令往遵以法和喻以律科懲曲感物情繁諍自弭由是更增時美法侶欣之及齊曆將季擅名逾遠而非類不交唯道同轍名儒大德見輒慕從常與慧遠等名僧通宵造盡周平齊日隱于白鹿巖中及宣政搜揚被舉住於嵩岳德不孤峙衆復屯歸大隋廓定招賢四海開皇七年下勑追詣京闕與五大德同時奉見特蒙勞引令住興善示十弟子四事供養十一年中又勑與天竺僧共譯梵文至十六年復勑請爲講律衆主於崇敬寺聚徒成業先是關內素奉僧祇習俗生常惡聞異學乍講四分人聽全希還是東川讚擊成務遵欲廣流法味理

住權機乃旦剖法華晚揚法正來爲聞經說爲通律屢停炎燠漸致附宗開導四分一人而已迄至于今僧祇絕唱遂爲人形儀儒雅動據規猷而神辯如泉聲相鍾鼓預升法位罕有瞽漠開悟之勲寔難嗣焉仁壽二年勅送舍利于衛州之福聚寺將出示衆乃放紅

達七

古

赤二光晃發遠近照灼人目道俗同覩大生慶悅仁壽四年下詔曰朕祇受肇命撫育生民遵奉聖教重興像法而如來大慈覆護羣品感見舍利開導含生朕已分布遠近皆起靈塔其間諸州猶有未遍今更請大德奉送舍利各往諸州依前造塔所請之僧必須德行可尊善解法相使能宣揚佛教感悟愚迷

宜集諸寺三綱詳共推擇錄以奏聞當與一切蒼生同斯福業遂乃搜舉名解者用承上命登又下勅三十餘州一時同送遵又蒙使於博州起塔初至州西有白鶴數十頭當於輿上旋繞數而久之而逝及至城東隆聖寺

達七

十五

置塔之所夜有白光數十道道如車軸住于基上邊有鳥巢樹上及光之洞明衆鳥驚散又雨銀花委地光曜如雪掘基五尺獲粟半升夜降神仙八十四人持花繞塔久乃方隱又婦人李氏患目二十餘年及來禮拜兩日齊見後行道之夕又放赤光照寺東房見卧佛及坐佛說法之像復見梵僧對架讀經經有一十四字皆是梵書時人不識及四月八日當下塔時感黑蜂無數銜香繞塔氣蔚且薰不同人壯又見白蓮花在塔四角高數百丈花葉分布下垂於空時間五彩蓮花廁填其內又見天人燒香而左轉者於是撫集而

達七

觀數木曾有觸目不見者非無一二及下覆訖諸相皆止遵於京邑盛開律種名駭昔人而傳叙玄宗其後蓋闕又著大純鈔五卷用通律典尋又下勅令知寺任弼諧僧衆亟光微績以大業四年五月十九日卒於興善寺秋七十有九隋初又有道洪法勝洪淵等並

以律學著名洪據相州紹通雲胤容止沉正宣解有儀學門七百亟程弘量故諸經論之士將欲導世者皆停洪講席觀其風略採爲軌躅勝博涉有功而言行無副神志高卓時共潛推但身令未廣故聽徒簡略淵學業遵統化被中山綱維正像有聲幽冀年代非遠

並不測其終

釋覺朗俗姓朱詳河東人住大興善寺明四分律及大涅槃而氣骨陵人形聲動物遊諸街巷罕不顧之仁壽四年下勅令送舍利于絳州覺成寺初達治所出示道俗涌出金瓶分爲七分光照徹外穿基二丈得栗米一升又感黃雀一頭飛迫於人全無怖懼馴遶佛堂又便自失又石函蓋上見二菩薩踞坐寶座前有一足妙手曲敬或見飛仙及三黃雀并及雙樹麟鳳等像將下三日常放光明乃迷晝夜朗過燈曜有掩堂滅炬者而光色逾盛溢于幽障玄素通感榮慶相誼朗具表聞

廣如別傳大業之末有勅令知大禪定道場主鎮壓豪橫怡然回風漸潤道化頗懷欽重不乆卒於所住時又有沙門海藏識信堅正宗仰律司屢講四分少有傳嗣唐運置十大德藏其一焉又有法鑑律師本住靜法末猷煩梗南栖太和幽居養志不廁僧衆孤行巖岫偃息松林服餚守中賞心唯識亦搔索之開士也及終歿後露骸山側至夜有燈照之道俗往觀失燈所在遠望還見動經兩月光照逾明

釋惠圭俗姓賈氏始州永歸縣人六歲出家爲斌法師弟子後令誦遺教一夕便度以經達七十六

驗師多有乖越便捨之而往姜律師所誦法華經寺東房中講於俗律試聽一遍性若曾聞乃問十關無能解者刺史已下閩州白黑皆往諮詢莫不歸伏始州一部祖宗道衆即爲州內律生受菩薩戒既爾約束以佛爲師尚不敬天況復神道於是佛法方得開弘於

黃安縣造寺七所梓潼縣造十寺武連縣造三寺從彼至今方將盛矣初主登冠欲受具足當境無人乃入京選德於甘露寺受戒唯聽四分餘義傍通夢見三日三夜天地闇冥衆生無眼遇此忽明眼還明淨覺已汗流一百白後周毀經道方知徵應即返故鄉南山藏伏唯食松葉異類禽獸同集無聲或有山神送伏苓甘松香來獲此供養六時行道禽獸隨行禮佛誦經似如聽仰仍爲幽顯受菩薩戒後有猕猴羣共治道主曰汝性躁擾作此何爲曰時君異也佛曰通也深怪其言尋余更有異祥龍飛獸集香氣充山其類衆矣後有八人採弓矢者甚大驚駭便慰主曰聖君出世時号開皇矣即將出山以事奏聞蒙預出家大業中勅還本州香林寺常弘四分爲業武德之始陵陽公臨益州素少信心將百餘駄物行至始州令於寺內講堂佛殿僧房安置無敢違者主從莊還見斯穢雜即入

房中取錫杖三衣出歎曰死活今日矣舉杖向諸驢驛一時倒仆如死兩手各擎一駄擲棄坑中州縣官人驚怖執主狀申陵陽大喜一無所怪書曰弟子數病不逢害鬼蒙得律師破慳貪袋深爲大利今附沉香十斤細綾十段仰贈後還京日從受菩薩戒焉貞觀三十一年寺有明禪師者清卓不羣白日獨坐見無半身向衆述曰吾與律師建立此寺兩人同心忽失半身將不律師先去不者明其死矣明日食時俗人驚去寺家設會耶見有四路客僧數千人八寺今何所在尋余午時主便無疾而逝春秋八十九矣

釋智保河東人弱齡入道清慎居心而在性
剛謇不軌流俗進受具後正業禁司擁節專
制挺超羣侶博聽異解貫練心神廢立文旨
大觀掌內所以律部遐被寔斯人故能維
攝自他言行相守至於流略墳索頗獲其宗
談對玄儒不後其術筆記之工時揚大義緣

情流彩嗣接英華初住勝光末居禪定國供
豐積受用多虧所以名僧大德日陳形器憑
准神解可以言傳至於衣食資求未能清洗
僧衆四百同食一堂新菜果瓜多選香美保
低目仰手依法受之任得甘苦隨便進歟皆
留子實恐傷種相由知法者少疑未詳檢其

知量敬護皆若此也後返勝光屬業弥峻園
蔬溉灌水雜細虽直歲高視但論事辦保念
此無辜交被刑害躬執漉具送達方還寺有
草物堪爲借用者必拾掇鳩聚身送廚帳其
雜行紛綸誠難備舉以武德末年遘疾將漸
而正氣明爽告友人惠滿曰余其死矣而精
神不得超勝如何有間意故答云觀其來陰
似作守寺之神耳而止于西院佛殿余類以
法遺之卒不能離言訖便絕自余所陳殿宇
人罕獨登時須開入無不歎然毛動及後百
日嘗有老嫗內懷酒食將遺諸僧行至寺門
忽被神害身死委地酒器流離斯亦嚴厲之

達七

十八

所致也故僧侶懾其風威有慄鄙愴者皆懷
而悛正矣自保之據道卓秀出羣一食充軀
雖經疾重不變前節不宿俗舍常止僧坊雖
曾遠涉必栖林野三衣常被瓶鉢自隨不執
俗器不親音樂五岳六府誓不身經理會高
僧聞便赴仰故每日再講必瓶鉢自隨肅然
成風無累於教處衆而食曾無羸長殘水餘
賊並以餅拭而噉之一滴無遺恐損施福故
也常遇重病每有食餘一兩匙者停貯多
日可得升許親看溫煮命淨人食之有問其
故答曰僧食難棄不可妄輕棄耳傳者目驗
生常景行故直筆舒其弘護之相焉又嘗患
瘡寒則水淋熱則火炙渴急鹽塞其口痢則
絕其食取差斯徒衆矣

釋智詵字惠成姓徐本徐州人煥法師之弟
也少聰敏有志節在蜀遊學務勤律肆會周
陵法因事入關不果所期遂隱南嶺終南太
白形影相弔有隋革命光啓正法招貫碩德

率先僧首即於長安敷揚律藏益州檢管蜀王秀奏請還蜀王自出迎住法聚寺道俗歸崇寺設大齋無不來赴將食捉筋間炫法師曰此處護淨不答曰初還未得檢校承道不護淨乃擲筋而起曰寧噉屠兒食此洋銅何得歟也諸僧數千一時都散其嚴已若此故

達七

十九

其在衆屏氣寂然性不受施不妄干物有僧
道恢爲人覽險遇見走避人曰卿從來不畏
一人何故畏訛律師耶答曰此佛法中王那
得不畏人曰以恢公臂力可不敵律師百人
耶答曰縱敵千人遇見百脉已沉四肢不舉
何敵之有乎後以人請戒禁行持誼擾乃辯

入龍居山寺幽栖深阻軌迹不通延出肆疾
意欲登劍閣廓清井絡與訛書令歸國化便
略答云辱使至止并以誠言披閱循環一言
三復文清渌水理破秋毫貧道戒行多閑化
術無方宅身荒谷四十餘載狎魚鳥以樵歌
習禪那思般若以此卒歲分墳溝壑不謂者

續高僧傳卷第二十三

年有幸運屬休明伏惟相王殿下德隆三古
道振百王公接臂而歸舊里衣錦而旋本邑
百姓有再生之期萬物起息肩之望搢紳君
子捧玉帛而來儀慷慨丈夫委干戈而伏道
昔長卿返蜀徒擅清文鄧艾前來未能偃武
公華陽甲族并絡名家捧日登朝懷金問道
姻南長幼並俟來蘇豈藉微風自然草靡當
勸諸首領越境來迎攜得書示軍衆先作禮
曰人物爭歸律師之力也以武德元年十月
一日卒居而逝年八十矣

唐釋道宣撰

達八

明律下 正傳十四 附見七

滿德真經

唐京師普光寺釋玄琬傳四僧伽
唐蒲州仁壽寺釋慧肅傳五
唐京師普光寺釋慧滿傳六
唐箕山沙門釋慧進傳七明璣
唐并州義興寺釋道亮傳八
唐京師延興寺釋道胄傳九下文
次後

積砂大藏經

續高僧傳